

Visoki predstavnik potpisao novi Sporazum o Uredu registrara

Visoki predstavnik Christian Schwarz-Schilling danas je potpisao novi Sporazum o Uredu registrara sa Predsjedništvom Bosne i Hercegovine.

Novi Sporazum o Uredu registrara zamjenjuje Sporazum od 1. decembra 2004. godine i predstavlja prelazni korak ka punoj domaćoj odgovornosti ove institucije koja je osnovala odjeljenja u Sudu i Uredu tužioca Bosne i Hercegovine za procesuiranje ratnih zločina i organiziranog kriminala u skladu sa najvišim međunarodnim standardima.

U novom Sporazumu, koji tek treba da potpiše predsjedavajući Predsjedništva BiH Sulejman Tihić, nadležnosti koje su izvorno date međunarodnom registraru prenose se na Tranzicijsko vijeće koje se sastoji primarno od predstavnika institucija BiH na koje će konačno biti izvršeno krajnje prebacivanje nadležnosti.

Pored ostalih izmjena, ovlasti za imenovanje međunarodnih sudaca i tužilaca prenosi se sa Visokog predstavnika na Visoko sudsko i tužilačko vijeće.

Novi Sporazum također sadrži i plan tranzicije i konkretnu integracionu strategiju.